



ZAJEDNICA

inovativnih nastavnika/ca



Centar za obrazovne inicijative  
Kralja Tvrtka 1, Sarajevo, BiH  
tel/fax: +387 33 / 667 673, 267 990  
e-mail: office@coi-stepbystep.ba  
www.coi-stepbystep.ba

STEP BY STEP



## STRATEGIJE ZA UČENJE I POUČAVANJE IDEJE ZA AKTIVNOSTI SA DJECOM

Ime i prezime: Indira Buljubašić

Vrtić/Škola: OŠ „Musa Ćazim Ćatić“

Mjesto/grad: Sarajevo

Šira tema/oblast rada: Svjetski dan knjige

Kratak opis zadatka za djecu i toka aktivnosti:

### Aktivnost 1 – ZAŠTO ČITATI?

Kao nastavnica koja je studirala književnost i jezik mogla bih vam nabrojati mnogo razloga zašto trebamo i zašto je lijepo čitati.

Ipak, htjela bih da čujem vaše mišljenje.

Dakle, vaš prvi zadatak je da otkucate rad u kojem ćete iznijeti svoje mišljenje o čitanju. Kad si naučio/la čitati?

Ko ti je u tome pomogao? Šta najviše voliš čitati? Koji tekstovi ili knjige su ti teški za razumjeti ih ili su ti nezanimljivi? Da li je važno da čitamo?

Da li nam je vještina čitanja potrebna samo u nastavi maternjeg jezika? Postoji li neka povezanost između čitanja i lijepog govora? To su samo neka od pitanja koja će ti, nadam se, pomoći da napišeš, lijepo uobličiš i otkucaš svoj rad. Važno je da napišeš sve ono što ti smatraš da je dobar odgovor na postavljeno pitanje: ZAŠTO ČITATI?

### Aktivnost 2 – OBUCIMO KNJIGU!

Vjerujem da svi u našim ormarima možemo pronaći po neku staru, pamučnu majicu kojoj možemo vratiti sjaj i učiniti da bude jedinstvena, unikatna . Potraži takvu majicu u svom ormaru. Svakako se posavjetuj sa mamom oko izbora. Bilo bi dobro da je majica jednobojna ili sa što manje motiva, kako bi tvoj rad došao do izražaja. Na odabranoj majici flomasterima nacrtaj naslovnice svoje omiljene knjige. Ne zaboravi napisati naziv knjige i ime autora. Slobodno ukrasi i rukave i leđa motivima koji te podsjećaju na knjigu. Svoj rad fotografiši i pošalji mi fotografiju.

Budi maštovit/a pri predavljanju svog rada fotografijom Majicu možeš obući, okačiti na vješalicu, štrik, obući mlađeg brata/sestru u nju... prepusti se mašti!

Vaše radove očekujem sa nestrpljenjem



ZAJEDNICA

inovativnih nastavnika/ca



Centar za obrazovne inicijative  
Kralja Tvrtka 1, Sarajevo, BiH  
tel/fax: +382 33 / 662 673, 267 990  
e-mail: office@coi-stepbystep.ba  
www.coi-stepbystep.ba

STEP BY STEP

NASTAVNICI SU VAŽNI

## ZAŠTO ČITATI?

---

Volim čitati, prije svega, zato što me to opušta. Prva slova učila sam sa svojim roditeljima, zatim učiteljicama u vrtiću, ali ipak, prve priče i lektire bile su u školi. Učiteljica Merima, zatim i učiteljica Selvedina, na poseban način su pričale o čitanju, motivisale nas i uputile na knjige.

Tako je i danas. Čitanje me čini sretnom. Volim knjige iz kojih nešto naučim o životu, volim romane i drame. Više volim knjige sa sretnim krajem, a malo manje putopise, ipak, čovjek iz svake knjige može nešto naučiti. Čitajući osoba pronalazi sebe, tjera se da uđe u svoju dubinu, da osluškujе, ... U knjigama možete naći divne citate, opise, životne priče, bajke, ... Životne poteškoće uz knjigu se lakše prebrode. Rado čitam na plaži kada se odmaram. Čitam i kada sam tužna i kada sam sretna, ali uvijek naučim nešto novo. Prije 6 godina za rođendan sam dobila knjigu „Mali princ“ i tada sam je prvi put pročitala. Iskreno, nisam je baš najbolje razumjela, ali knjiga mi se ipak nekako dopala. Nedavno sam opet pročitala istu knjigu i oduševila me svojom posebnosću. Zaista je istina da je jedan od znakova dobre knjige taj, da nam se ona više sviđa što smo stariji.



Adna VIII-2

## ZAŠTO ČITATI?

---

Sretan sam jer rastem u porodici gdje su knjige važan dio života. Moj tata ima puno stručnih, vojnih i političkih, knjiga koje baš i ne razumijem ali voli i knjige o umjetnosti i ljekovitim biljkama, a posebno je ponosan na staro izdanje travara Sadikovića o ljekovitim travama. Mama često priča anegdotu kako je pred kraj četvrtog razreda osnovne škole ušla u školsku biblioteku, a bibliotekarka joj je rekla da je već pročitala sve knjige. Tada je ponovo posuđivala i čitala već pročitane knjige.

Ja sam rastao uz starijeg brata tako da sam rano naučio sva slova. Čini mi se da čitam od kada sam spoznao sebe. Od prvih šarenih slikovnica, preko školskih lektira do danas kada već biram ozbiljnije knjige koje me interesuju. Moja porodica redovno krajem svakog aprila odlazi na Sajam knjige. Svako od nas tada, u tom carstvu knjiga traži, pronalazi i kupuje svoja omiljena djela. Prije nekoliko godina na Sajmu sam kupio knjigu „Čudo“. Ona mi je najdraža knjiga koju sam ikada pročitao. Govori o dječaku neobičnog izgleda koji je morao da nađe svoje mjesto u društvu vršnjaka. Naša kućna biblioteka je bogata. U njoj jedne do drugih stoje mnoge enciklopedije, knjige o prirodi, zemlji, svemiru, stari klasični pisci, dječije lektire, dječije savremene knjige, riječnici stranih jezika, razni savremeni pisci, kuhari, knjige o biljkama, umjetnosti, uređenjima vrtova i najveći pisci i pjesnici ljudske istorije.



ZAJEDNICA

inovativnih nastavnika/ca



Centar za obrazovne inicijative  
Kralja Tvrtka 1, Sarajevo, BiH  
tel/fax: +387 33 / 646 673, 247 990  
e-mail: office@coi-stepbystep.ba  
www.coi-stepbystep.ba

STEP BY STEP

NASTAVNICI SU VAŽNI

Ja volim čitati. Rado čitam lektiru ali više volim kada sam odaberem knjigu. Moju čitalačku znatiželju privlače knjige napisane o istinitim događajima. Sviđa mi se kako pisci lijepim riječima opisuju stvarni život, način kako iskazuju nečije misli i osjećanja. Tako i ja učim da obični, svakodnevni život izražavam lijepim riječima. Čitanjem uvećavam broj riječi koje znam, a to znanje mi pomaže da kad govorim lakše pronalazim riječi. Mislim da nam više pročitanih knjiga pomaže da ljepše govorimo. Vještina čitanja nije potrebna samo u nastavi maternjeg jezika, ona je neophodna da bismo razumjeli i ispravno naučili i lekcije ostalih predmeta jer bolje znamo ako dobro čitamo.



Ipak, kada kažem čitanje, uglavnom mislim na knjige koje volim čitati. Kada sjednem, otvorim korice nove knjige čini mi se kao da tada ulazim u neki novi svijet. Plačem i smijem se sa likovima, proživljavam njihove strahove, uzbuđenja, radujem se njihovim uspjesima, kratko rečeno, dok čitam knjigu, živim život likova u njoj. Kroz knjige mogu da putujem, obilazim nova mjesta na koja možda nikada neću imati prilike otići, upoznajem ljude, razne običaje, neobične biljke i životinje i razne interesantne stvari. Knjige me inspirišu da budem bolji čovjek, one me uče, mijenjaju moj svijet i bogate cijeli život. Zato ja volim čitati i mislim da je čitanje najvažnije na svijetu. U čitanju leže sve tajne života i čitanje je naša budućnost.

Lejs VIII3





ZAJEDNICA  
inovativnih nastavnika/ca



Centar za obrazovne inicijative  
Kralja Tvrtka 1, Sarajevo, BiH  
tel/fax: + 383 33 / 646 673, 267 990  
e-mail: office@coi-stepbystep.ba  
www.coi-stepbystep.ba

STEP BY STEP

NASTAVNICI SU VAŽNI

